

և մոնղոլներից պարտություն կրած Զալալ ադ-Գինը վտանգավոր հակառակորդ չէ իրենց համար²⁸;

Որ Իվաննի գործողությունները պատահական չեն դիտվել և դատապարտվել են ժամանակակիցների ու Ռուսուդան թագուհու կողմից, պարզորոշ երևում է Վրաց ժամանակագրի այն վկայություններից, որոնք վերաբերում են Զալալ ադ-Գինի դեմ տրված երկրորդ մեծ մարտին՝ Մինդորիի ճակատամարտին: Ըստ պատմիչի, թագուհին այդ անգամ մարտի զնացող զորքերի հետ չի ուղարկել արքայական զորը՝ «Իվանն աթաբեկի կատարածի պատճառով»²⁹:

Քննենք նաև այն հարցը, թե աթաբեկի համար իրո՞ք այդքան ազդու հանգամանք էր թագուհու առաջ պատասխան տալու հարկադրանքը: Վերհիշենք թեկուզև XII դ. երկրորդ կեսի պատմությունը, երբ Գագի, Գարգառի ճակատամարտերի և 1174 թ. Անիի դեպքերի ժամանակ մեծատոհմիկ ավատատերերը և, առաջին հերթին, ամիրսպասալար Իվանն Օրբելին, բնավ իսկ չերկնչելով համեմատաբար ավելի մեծ փաստական իշխանություն ունեցող, վճռական ու հաստատակամ Գեորգի Գ-ից (1155/56—1184), չէին վախենում անդամ թշնամու հետ համագործակցելուց³⁰: Պետք է անպայման նկատի ունենալ նաև այն անժխտելի հանգամանքը, որ Թամար թագուհու (1184—1207/1210) գահակալության վերջին տարիներին սկսված թագավորական իշխանության թուլացումը Գեորգի-Լաշայի (1207/1210—1223) և Ռուսուդանի ժամանակ առավել մեծ շափով էր իրեն զգացնել տալիս, որը և շեր կարող դուռ չբացել մեծատոհմիկ ազնվականության ներսում նոր բախումների ու պայքարի համար: Թամար թագուհու մահվանը հաջորդած ներդասակարգային խլրտումների մասին պատմում է նույնիսկ Իբն ալ-Ասիրը³¹, իսկ հայկական աղբյուրները հիշատակում են միջավայրատարական պայքարի մի բնորոշ դրվագ՝ մոնղոլական առաջին արշավանքն ավանդելիս³²: Ուստի Իվաննի ու Շալվա և Իվանն Ախալցխեցիների միջև «թշնամությունն» ամենևին էլ անհավանական չէ, մասնավանդ երբ փորձում ենք բացահայտել այդ հակառակության հիմքերը: Ակադ. Ն. Բերձենիշվիլու ուշագրավ կոաճամբ, երկպառակությունն արդյունք կարող էր լինել այն պայքարի, որ մղում էին երկու իվաններն աթաբեկության պաշտոնի շուրջ³³, սկսած XIII դ. սկզբից: Հիշենք, որ Կարսի գրավումից հետո Թամար թագուհին հենց Իվանն Ախալցխեցուն էր շնորհել Կարսի ամիրայից ամիրայի տիտղոսը և Լաշա-Գեորգիի խնամակալությունը՝ աթաբեկությունը³⁴: Թեև այդ կարևորագույն պաշտոնի շուրջ

²⁸ Ոց. Ջօզօնօ Յօզօլօ, Նշվ. աշխ., էջ 48—49:

²⁹ «Վրաց ժամանակագրություն», էջ 70:

³⁰ Հ. Մարգարյան, Հյուսիսային Հայաստանի և Վրաստանի ժբ դարի պատմության մի քանի հարցեր, Երևան, 1980, էջ 109—121:

³¹ Ибн ал-Асир, с. 131.

³² Մոնղոլների դեմ կովի թեժ պահին Մանասագոմ բերդի տեր Համիդույան կտրել էր Իվանն աթաբեկի ձիու ոտքի ջրիկը («Մաղաքիա արեղայի Պատմութիւն վասն ազգին նևտողաց», Ս. Պետերբուրգ, 1870, էջ 5, հմտտ. Վարդան, էջ 142):

³³ Ե. Երզնցյան, ՍՍՀՄ-ում, ՍՍՀՄ-ում, ՍՍՀՄ-ում, Երևան, 1979, 83-184, 202:

³⁴ Ջոզօլօ Յօզօլօ, Երևան, 1959, 83, 59. Լ. Մելիքսեթ-Բեկ, Վրաց աղբյուրները Հայաստանի և հայերի մասին, հ. Բ, Երևան, 1936, էջ 20: